



Broj: 01/10-04-5588/25
Sarajevo, 31.10.2025.godine

Na osnovu člana 21. stav (2) i stav (4) Odluke o izvršavanju Budžeta Grada Sarajeva za 2025. godinu ("Službene novine Kantona Sarajevo", broj: 2/25), a u vezi sa članom 20. Odluke o načinu provođenja javnog interesa Grada Sarajeva u sportu („Službene novine Kantona Sarajevo“, broj: 52/23 i 14/24), te u skladu sa članom 3. stav (1) tačka c) i stav (2) Pravilnika o kriterijima za finansiranje javnog interesa Grada Sarajeva u oblasti sporta („Službene novine Kantona Sarajevo“, broj: 8/25), gradonačelnik Grada Sarajeva, putem Gradske službe za obrazovanje, sport, kulturu i mlade raspisuje:

JAVNI POZIV
za dodjeljivanje nagrada za ostvarene vrhunske sportske rezultate (klupske)
za 2025. godinu

Pravo učešća

Pravo učešća na Javnom pozivu za dodjeljivanje nagrada za ostvarene vrhunske sportske rezultate (klupske) za 2025. godinu (u daljem tekstu: „Javni poziv“), imaju Organizacije u sportu - sportski klubovi, za postignute rezultate u olimpijskim disciplinama i to na osnovu ostvarenih rezultata takmičara koji su u trenutku postizanja rezultata bili aktivni. Prijave fizičkih lica neće biti razmatrane.

Sredstva za realizaciju

Sredstva za realizaciju Javnog poziva obezbijedena su u Budžetu Grada Sarajeva za 2025. godinu ("Službene novine Kantona Sarajevo", broj: 2/25) na poziciji 614300: Tekući transferi neprofitnim organizacijama.

Opći kriteriji za prijavu na Javni poziv

Organizacije u sportu - sportski klubovi koji se prijavljuju na Javni poziv trebaju dostaviti dokumentaciju propisanu Općim kriterijima Javnog poziva, uz propisani Prijavni obrazac.

Organizacije u sportu-sportski klubovi koji se prijavljuju na Javni poziv dužni su dostaviti:

1. Prijavni obrazac na Javni poziv koji treba biti elektronski ispunjen, isprintan, ovjeren pečatom i potpisan od strane ovlaštene osobe za zastupanje;
2. Izvadak iz Registra državnog, federalnog, kantonalnog nadležnog organa, ovjerena kopija ne starija od tri mjeseca;
3. Identifikacioni broj za pravno lice, ovjerena kopija ne starija od tri mjeseca;
4. Potvrda iz banke o solventnosti računa Organizacije u sportu - sportskog kluba i transakcijski broj, ne stariji od mjesec dana od dana objavljivanja Javnog poziva, original ili ovjerena kopija;
5. Izjava ovlaštenog lica o postignutom rezultatu – na memorandumu kluba uz pečat i potpis ovlaštenog lica;
6. Potvrda strukovnog saveza (kantonalni, federalni ili državni) kao dokaz da se disciplina nalazi u programu olimpijskih igara i da se postignuti rezultat odnosi na olimpijsku disciplinu - potvrda se izdaje u svrhu dokazivanja ostvarenog rezultata;

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



Obrazac i način podnošenja prijave

Prijavni obrazac za Javni poziv se nalazi na službenoj web stranici Grada Sarajevo (www.sarajevo.ba), a na osnovu kojeg će se isključivo vršiti prijava na Javni poziv. Prijavni obrazac na Javni poziv sastavni je dio teksta ovog Javnog poziva. Prijavni obrazac sigurnosno je zaključan za uređivanje, sa jasno naznačenim poljima za unos traženih podataka i isti nije dozvoljeno prepravljati ili uređivati.

Svu dokumentaciju, kao i sve stranice Prijavnog obrasca na Javni poziv, potrebno je numerisati (ručno), potpisati i ovjeriti pečatom Organizacije u sportu.

Sva potrebna dokumentacija kojom se dokazuje ispunjenost kriterija, potrebno je da bude original ili ovjerena kopija, ne starija od 3 (tri) mjeseca, odnosno ako nije drugačije navedeno. Neblagovremene i nepotpune prijave neće biti uzete u razmatranje.

Pristigla dokumentacija se ne vraća podnosiocima zahtjeva nakon završenog Javnog poziva. Nakon obrade i analize pristiglih prijava, Komisija će sačiniti mišljenje sa prijedlogom visine odobrenih sredstava, te isto dostaviti gradonačelniku, na saglasnost. Nakon pribavljene saglasnosti, nadležna Služba će pripremiti Odluke o odobravanju novčanih sredstava.

Rok i adresa za prijavu

Prijave na Javni poziv podnose se u roku od 15 dana od dana objave na službenoj web stranici Grada Sarajevo (www.sarajevo.ba). Prijave na Javni poziv potrebno je dostaviti na pisarnicu ili putem pošte na adresu:

Grad Sarajevo
„Za Javni poziv za dodjeljivanje nagrada za ostvarene vrhunske sportske rezultate
(klupske) za 2025. godinu“
Ćemaluša 9/III
71000 Sarajevo

GRADONAČELNIK

Samir Avdić, s.r.